

16-G ZERGA ORDENANTZA

TELEFONIA MUGIKORREKO ZERBITZUEN USTIATZAILE DIREN ENPRESEK JABARI PUBLIKO LOKALAREN ERABILERA PRIBATIBO EDO APROBETXAMENDU BEREZIA EGITEARREN.

1. ARTIKULUA.- XEDAPEN OROKORRAK

Udal honek, ekainaren 30eko 9/2005 Foru Arauan aurreikusitakoaren arabera, Bizkaiko Lurralde Historikoko Toki Ogasunak arautzen dituen, tasa ezarri eta hori galdatzen du, udalerriko bide publikoetako lurzoru, lurpe edo hegalkinaren erabilera pribatibo edo aprobetxamendu bereziagatik, hain zuzen, hori telefonia mugikorra ustiatu edo horren zerbitzua eskaintzen duten enpresen mesedetan denean.

2. ARTIKULUA.- EGITATE ZERGAPEGARRIA

Tasaren egitate zergapegarria erabilera pribatibo generikoaren edo aprobetxamendu bereziaren gainekoa da, hain zuzen, udal bide publikoetako hegada, lurzoru eta lurpearen gainekoa, horiek telefonia mugikorreko zerbitzuak ustiatzen edo eskaintzen dituzten enpresen mesedetan direnean, auzotar gehienei edo horietako zati handi bati eragiten diotenean.

Ordenantza honen tasa arautzailea bat etor daiteke beste tarifa-kopuruekin, hain zuzen, zerbitzu-sareak kokatzeko Udalak bereziki egokitutako edo utzitako azpiegituren erabilera-lagapenaren ondorioz sor daitezkeen kopuruekin, eta horiek bai puntualak bai aldizkakoak izan daitezke.

3. ARTIKULUA.- ZERGA-OBLIGAZIOA DUTENAK

Ordenantza honek arautzen duen tasaren zerga-obligazioa dute telefonia mugikorreko zerbitzuak ustiatzen edo eskaintzen dituzten enpresek, auzotarren gehiengoari edo horien zati handi bati eragiten diotenean.

Udal barruti barruan eskaintzen direla ulertzen da, beren izaeragatik, bide publikoaren hegada, lurzorua edo lurpearen aprobetxamendua egiten duten zerbitzu guztiak, edo horrekin harremanean daudenean, nahiz eta zenbatekoa beste udalerrri batean ordaindu.

4. ARTIKULUA.- ERANTZULEAK.

1.- Zergaren gaineko Foru Arauaren 41 artikuluan aipatutako pertsona fisiko eta juridikoek, zordun nagusiak dituen zerga-obligazioen gainean, solidarioki erantzungo dute.

2.- Ordezko erantzuleak izango dira zergaren Foru Arau Orokorreko 42 artikuluan aipatzen diren pertsona edo erakundeak, artikulua horretan aipatutako kasuetan, eta adierazitako norainokoa.

5. ARTIKULUA.- ZENBATEKOA

Telefonia mugikorreko zerbitzuen erabilera pribatibo edo aprobetxamendu bereziagatikotasen zenbatekoa zehazteko, hurrengo parametroak edukiko dira kontuan:

Urteko oinarritzko tarifa.

Erabilera pribatibo edo aprobetxamendu bereziaren iraupen-denbora.

Operadore bakoitzari esleigarri zaion koefiziente espezifikoa, merkatu-kuotaren funtzioan.

$$\text{Zerga-kuota} = \text{TB} \times \text{T} \times \text{CE}$$

TB: urteko oinarritzko tarifa da.

T: erabilera pribatibo edo aprobetxamendu bereziaren iraupen-denbora da, urteka edo urteko hiruhilabetearen zatiki bidez adierazita

CE: operadore bakoitzari esleigarri zaion koefiziente espezifikoa, udal barruti honetan bakoitzak duen merkatu-kuotaren arabera.

Oinarritzko tarifa urtean 95.000 eurotan ezartzen da.

Operadore bakoitzari esleigarri zaion koefiziente espezifikoa lortzeko, telefonia mugikorreko merkatuko kuota osotik, udal barruti honetan egokitzen zaion horretatik abiatuta egingo da, ordaintzeko modalitate guztiak barne hartuta, bai ondoren ordaintzekoak bai aurretik ordaintzen direnak.

6. ARTIKULUA.- SORTZAPENA.

Tasaren sortzapena erabilera pribatiboa edo aprobetxamendu berezia hasten denean gertatuko da.

7. ARTIKULUA.- AITORPENA ETA SARRERA

Subjektu pasiboek urte bakoitzeko urtarilaren 30a baino lehen aurkeztu beharko dute, udal jabariaren aprobetxamenduari hasiera emandako data egiaztatuko duen aitorpena, eta subjektu pasiboak udal barrutian zenbat erabiltzaileentzat operatzen duen, eta barne hartuko ditu bai ondoren ordaintzen diren zerbitzuak bai aurretik ordaintzen direnak.

Aipatutako epe barruan interesatuek ez balute aitorpenik egingo, Udalak eskumena izango du tasa kuantifikatzeko, operadore bakoitzak duen merkatu-kuotaren arabera.

Behin obligatuak daturik ez duela ziurtatzen egiaztatu ondoren, Udalak zeharka kalkulatzeko metodoak aplikatu ahal izango ditu, TGFaren 2/2005 arauaren 143. artikuluan ezarrita dagoen bezala.

8. ARTIKULUA.- KONTURA EGINDAKO ORDAINKETAK.

Udalak hiruhileko likidazioak egingo ditu, eta urteko behin-betiko likidazioa.

Tasen ordainketa hiruhileko likidazioen arabera ordaindu beharko dira, behin-betiko likidazioaren kontura egingo direnak.

Hiruhileko likidazioen zenbatekoa, zerga-kuotatik ondorioztatzen den kopuru osoaren % 25ari dagokiona izango da, zehaztutako parametroen arabera kalkulatuta, eta beti ere, aurreko urteari erreferentzia egingo diona.

Behin-betiko likidazioa, erreferentzia egiten dion urtearen ondorengo lehen hiruhilekoaren barruan, ordaindu beharko da. Zenbateko osoa zerga-kuotatik ondorioztatzen den kopuruaren arabera zehaztuko da, eta hori finkatuta dauden parametroen arabera kalkulatu da, eta beti, aurreko urteari egingo dio erreferentzia

Ordaindu beharreko zenbatekoa, kopuru horren eta kontura egindako sarreraren arteko diferentziari dagokio, eta beti ere, ekitaldi bera kontuan izanda. Saldo negatiboa legokeen kasuan, Udalari ordaindutako gehiegizkoa, kontura egindako lehen ordainketan, konpentsatu beharko da, edo hurrengoetan

1. ARTIKULUA.- ARAU-HAUSTEAK ETA ZIGORRAK.

Bai zergari dagokion edozein arau-hausteetan, bai horien kalifikazio desberdin guztietan, bai horiei legozkiekeen zehapenetan, Tributuen gaineko Foru Arau Orokorrean eta Ordenantza Fiskal Orokorrean ezarritakoa aplikatuko da.

AZKEN XEDAPENA

Ordenantza honi, behin-betiko onespina eman zitzaion eta indarrean sartuko da 2008ko urtarrilaren 1ean, eta indarrean jarraituko du, hori aldatzea edo baliogabetzea erabaki arte.

(Udalbatzaren erabakiz aldatua, 2010ko urriaren 4eko eta 2011eko azaroaren 11eko osoko bilkuran.)